

TE REO



TE KĀKANO

TE HAPŪTANGA





TE KĀKANO

MAI KA TŌ TE KĀKANO, WHĀNAU NOA

TE ŪPOKO 1:
TE WĀHANGA TUATAHI O TE HAPŪTANGA


TE ŪPOKO 2:
TE WĀHANGA TUARUA O TE HAPŪTANGA

TE ŪPOKO 3:
TE WĀHANGA TUATORU O TE HAPŪTANGA

Whakatipu, he rauemi tēnei hei tautoko whānau ki te whakatipu tamariki mai i te wā ka hapū te whāea, ka whānau mai te pēpi tipu noa ki te rima tau te pakeke. Kei roto nei ngā kōrero mōhiotanga, ngā ngohe me ngā akoranga ā tikanga mā ngā mātua katoa.

Te Kākano - koinei te wā hei poipoi i te whāea me tana kōhungahunga, he wā mō raua te moemoeā ai, te hīkoi atu i tō raua ara.

Ka hiahia mōhiotanga atu anō, e huri ki *Whakatipu* www.skip.org.nz



TE KĀKANO
TE WĀHANGA
TUATAHI O TE
HAPŪTANGA

Ahakoā he iti, he pounamu.

**Although small, it is
precious – like greenstone.**

E Aha Ana...

Tā Pēpi:

Kua tekau mā toru wiki taku pakeke ināianei, ā, kua rite taku rahi i tō kōiti.


Kua tipu hoki aku roro, aku io, taku manawa, aku pūkahukahu, aku poroiwi me aku uaua.

Kua tipu hoki aku karu, aku taringa me taku ihu.

Haere mai, kia kite koe i aku ringaringa, i aku waewae, me aku matimati i runga i te mihini whakaata whēkau.

Ka rongu hoki koe i taku manawa e kapakapa ana.

*Ka tāea e koe te titiro
he aha ahau, he wahine,
he tāne rānei. Mēnā rā
ahau ka whakaatu atu!*



Tā Pēpi:

Ko te kaha tipu ō aku roro kua rite tonu te nunui o taku māhunga, ā, ki taku tinana. Kua toru marama ahau e tipu ana, kua tīmata taku tinana te whakaputa ia taikaha. Mā ngā ia taikaha nei e tipu ai aku roro me taku tinana, arā, ahau.



Māmā:

Kia kaha te kai tōtika

Kia rahi te inu
wai Māori

Me āta whakangā,
tāua tahi

Tā Te Whānau:

Ka nui tō mātou harikoa me te āhua pōnānā anō, ko te rahi o ngā mea hei whakaaroaro.

Nā, me āta titiro mātou he aha ngā āhuatanga whakawhānau e wātea ana ki ā mātou:

- ngā whare whakawhānau
- te whānau ki te kāinga
- te whānau i rō wai kaukau
- te hōhipera
- ngā tikanga whakawhānau pēpi ā te Māori
- ngā tapuhi
- ngā tākuta



Kia maumahara whānau:

- Pātai i te pātai, ahakoa he aha – he pai noa iho!
- He aha tō hiahia kia mōhio koe mō tēnei mea te hapūtanga me ōna āhuatanga katoa, pātai atu ki tō tapuhi, tākuta rānei
- Kōrerorero tonu ki ōu hoa, ki tō whānau
- Kua e māharahara ki te inoi āwhina i ētahi, ahakoa he iti, he pounamu

Tā Te Whānau:

Kei te akoako tonu mātou i
ngā mea e pai ai mō māmā
rāua ko pēpi.


He aha ngā kai pai mā rāua?

He aha ngā kai kaua ā māmā
e kai, kia noho haumaruru ai
ā pēpi.



Te noho o te kāinga
auahi kore.

Te pono ki ngā tikanga ā te
whānau, pēnei i te kore e
tapahi o māmā i ana makawe
i te wā ia e hapū ana.



Kaitiaki Pēpi

He mea tino nui te manaaki, te atawhai i ā māmā rāua ko pēpi i tēnei wā.

Te Wharetangata

Kei te whare tangata ō tana māmā ā pēpi mai ka hapū tae noa ki te wā ka whānau mai.

Te Tāwharau i ā māmā rāua ko pēpi

He tikanga anō ā ētahi iwi mō te wahine hapū. Koinei te wā hei manaāki, hei awahi i ā māmā me tana kōhungahunga. Ka wehea e ētahi whānau, iwi hoki, ngā kai e tika ana mā te māmā i ā ia e puku ana, ka noho hoki ngā whānau ki te rāpoipoi kia kore ai e noho raruraru ā-hinengaro, ā-wairua rānei, kāore hoki e tukuna kia hikihiki mea taumaha kei raruraru te puku. Mahia katoahia ai ēnei āhuatanga hei tiaki i tōna oranga me te tipu o tana pēpi.

Kāore ētahi iwi e tuku kia whaikōrero te wahine i runga i te marae ātea. He whakatūpato, he manaaki tēnei tikanga i ā ia nā te mea ko te wahine te whare tangata. Kei kangaia ia, ā, ka heke tēnei kanga ki runga i ōna uri whakaheke.

Kāore hoki ētahi iwi e tuku wahine hapū kia haere ki roto urupā, nā te mea nō Hine-nui-te-pō tērā wāhi, kei tūpono raru te pēpi.

Haere ki to whānau kia mōhio ai koe mēnā he tikanga ā tōu whānau hei manaaki i ā māmā rāua ko pēpi.

Kaitiaki Pēpi

Te Pito

Mā te pito e ora ai te pēpi i ā ia kei te kōpū o tana māmā. Kotahi atu tēnei here mai i te whāea ki te pēpi, ā, he aha tā te māmā ka kai, ka inu, ka hēhē, ka rere tika ki tana pēpi.

Ākene te whānau ka hiahia whiriwhiri me aha te pito o te pēpi, ka makere mai ana. Ka tāpukehia e ētahi whānau te pito, ko ētahi ka haria ki tētahi wāhi ka wehea motuhakehia kia kore ai e rawekehia. He here anō hoki tēnei āhuatanga i te pēpi me Papatūānuku.

Te Whenua

He mea whakahirahira anō te whenua o te pēpi. Ka whānau mai ā pēpi, whai muri tonu mai i ā ia kua puta mai ko tana whenua. Ko te whenua o te pēpi te here ki tana ūkaipō, ki ā Papatūānuku. He here e kore e motu. Ka hapū ana te wahine ko te whenua hei whakawhiti i ngā kai, i ngā hauora mai i ā māmā ki te pēpi. Koinei anō hoki ko te whenua hei tahi mai i ngā paru ki waho.



Te Hinengaro Miharo

Kei te tipu te roro ō te pēpi, arā, 250,000 ngā io roro e puta ana i te meneti.

He aha āu e kai ana, e inu ana, e mahi ana ka whai wāhi ki ā pēpi, tōna tipuranga me te tipu hoki ō te roro.

Tata te nunui o te roro ō pēpi ki tōna tinana.

Kei te hiahia mōhio koe i ētahi ō ngā mahi mīharo ā ngā roro? E huri ki

Whakatipu

www.skip.org.nz



Waiata

He tino pai rawa atu te waiata hei here i te māmā me pēpi i te wā e hapū ana.

Moe moe pēpi

Moe moe e

Moe moe pēpi

Moe moe e

Ki te hiahia whakarongo ki tēnei waiata, i ētahi atu waiata anō, e huri ki

Whakatipu www.skip.org.nz

Ngā Mahi a Whānau

Tuhia hē reta ki ā pēpi, tāngia rānei he pikitia hei kōrero atu i ā pēpi e pēhea ana koe.

Tīkina he rātaka māu hei tuhi i ōu whakaaro, i ōu moemoeā, mō tō pēpi.

Ko wai ō tātou piringa whāea, mātua e whirinaki atu ana tātou?

Pātai atu i ā rātou i pēhea, i aha rātou i te wā e hapū ana te wahine, te whānauhanga ō te pēpi, te whakatipu pēpi.

Mō ētahi ngohe atu anō, e huri ki *Whakatipu*
www.skip.org.nz



He Ngohe: Tuhi kōrero whakaniko

He tere, he pārekareka tēnei mahi mā kōrua ko tētahi. Tērā pea te puta ai he pātai i tō hinengaro, te puta ai rānei he wawata, he moemoeā hei kōrero atu ki tō pēpi.

Tuhia he rotarota me tētahi hoa - i raro iho i te 2 meneti. Ahakoa e whakaaro ana koe kāore koe e mōhio, anei he āwhina hei ārahi i ā koe.

Ko tō kaupapa pea:

- te whakanui i tō hapūtanga
- ōu whakaaro
- ōu wawata, ōu moemoeā

Te Mahinga 1

Te Tangata tuatahi - Kupu Tuatahi

Kimihia he kupu. He kupu e pai ana ki tō kaupapa. Ākene ko tō kaupapa mō ō whakaaro, ko tō kupu tuatahi pea ko te 'mataku'.

Te Mahinga 2

Te Tangata tuarua

Tāpiri atu kia rua ngā kupu.

E pēhea ana ō whakaaro.

Te Mahinga 3

Te Tangata tuatahi anō

Tāpiri atu kia toru ngā kupu.

Te Mahinga 4

Te Tangata tuarua anō

Tāpirihia atu anō kia rua ngā kupu.

Te Mahinga 5

Te Tangata tuatahi anō

Māna te kupu whakamutunga.

Mō ētahi atu mahi

anō, e huri ki

Whakatipu

www.skip.org.nz

Te Whare Tangata

He wāhi haumaruru –
Aua pea!

Kia tūpato!
He paihana tēnā!



Ē kī, kāore e pai
mō taku pēpi?



TE KĀKANO
TE WĀHANGA
TUARUA O TE
HAPŪTANGA

Nā tō rourou, nā tōku
rourou, ka ora ai te iwi.

With your knowledge and
my knowledge we will thrive.

E Aha Ana...

Tā Pēpi:

14 – 18 wiki te pakeke

Kua timata au te oreore
haere i roto i tō puku māmā.

*Kua whanawhana ahau,
kua hurihuri haere.*

Kua rahi te oraora haere o
aku karu.


Kua āhei te kitea o ngā
wāhanga e rua ō taku roro.

Ki te āta titiro koe i taku
whakaahua puku, ākene koe
ka kite he aha ahau, he tāne,
he wahine rānei.

19 – 23 wiki te pakeke

You can hear my heartbeat.

My eyebrows and eyelashes
are growing and so are my
toenails and fingernails.



Tā Pēpi:

24 – 27 wiki te pakeke

Kua rite taku āhua ki te
punua kōhungahunga.

Kua rongu au i te reka, te kawa.

Kua kaha au ki te
āta whakaoraora i
aku ringaringa.

Kua kaha haere aku
pūkahukahu ki te āwhina i au
ki te hēhē inā whānau au.



Ngā āhuatanga tūhono ki au:

- Waiata ki ahau
- Mirimiri i ahau
- Kōrero ki ahau
- Tango whakaahua
- Whakanuia

Tā Te Whānau:

Kei te tūpato mātou i ngā kai
e kai ana mātou, ko tō mātou
hiahia ko ngā kai anake e pai
ana mā pēpi, hei kai
mā mātou.

Kei te pai te tipu ā pēpi?
Mā ngā haerenga kia tiroirohia
mai e te tapuhi me te tākuta, ka
mōhio mātou e pēhea ana te
tipu o pēpi.

Mēnā ka raruraru te pēpi me
aha mātou?

Me whakapā ki ā wai?

Te tapuhi

Te tākuta

Kaua e
wareware ki te
pātaitai mēnā
koe e
āwangawanga
ana.



Tā Te Whānau:

He rawe rawa atu te rongō i
ngā kōrero aha ai te whānau
ka hapū tētahi ō te whānau.

Kua kite ā māmā kua nunui
haere ana ū – inā rā kua kite
katoa anō mātou!

Kua tīmata tā mātou
whakarite mahere mō māmā
me te pēpi.



Kia maumahara:

- Mēnā koe kei te āwangawanga kei te hiahia āwhina rānei, whakapā atu ki ō hoa, ki tō whānau hoki.
- Whakarite wā mōu ki te whakangā, ki te whakaaroaro
- Āta whiriwhiri i ngā kōrero, ngā awhi, ngā āwhina e pai ana ki ā koe hei whai māu
- Kia pai, kia ora, kia māia

Kaitiaki Pēpi

He Waka Huia

He taonga tēnei nō te ao kōhatu hei tiaki taonga tapu. He taonga nui tēnei ka heke ki ngā whakatipuranga, ki ngā whakatipuranga. I ētahi wā he koha, he taonga ka tukuna ki ngā hapū, ki ngā whānau, ki tētahi tangata, wahine rānei hei whakatoka i te here whanaunga me ētahi atu kaupapa whakanui hoki.




Kaitiaki Pēpi

Oriori

He momo waiata te oriori e kōrero pakiwaitara ana. He waiata ki te tamariki mō ngā hekenga mai o ngā tīpuna, mō ngā whakapapa.

Kei roto anō i ngā oriori ngā kōrero mō ētahi mahi nui pēnei i te hapūtanga, te whānauhanga me te noho ā te tangata.

Koinei ngā momo waiata hei poipoi, hei morimori pēpi kia moe ai, hei awahi rānei i ā ia ki tēnei ao.



Te Hinengaro Miharo

Ko ētahi wāhanga ō tana roro kei te hono mai i ngā oro e rongo ana ia. Ka waiata ana koe i tō oriori, ka kōrero ana koe ki tō puku, kei te rongo ia.

Kei te tipu haere hoki ētahi wāhanga ō te roro hei āwhina i ā ia ki te kite, ki te rongo, ki te oraora.

Kei te tere te tipu o ngā io roro, ā, kei te uwchia e tētahi mea mōmona, he myelin. He pēnei i te ārai, mā tēnei e tere rērere ai, e rere tika ai ngā tohu.

Ki te hiahia mōhio koe he aha atu anō kei te hurihuri haere i ngā roro mīharo ō pēpi, e huri ki *Whakatipu* www.skip.org.nz

Waiata

He oriori ā ‘Hine e Hine’ e tau ai te wairua hīkaka. I rangona whānuihia tēnei waiata nā TVNZ. E maumahara ana koe i te ‘Goodnight Kiwi’? Waiata mai.

**E tangi ana koe
Hine, e hine!
Kua ngenge ana koe
Hine, e Hine!
Kāti tō pouri ra
Noho i te aroha
Te ngākau o te matua
Hine, e hine!**

Kia rongo ai koe ki tēnei waiata me te ako anō i ētahi atu waiata, e huri ki *Whakatipu* www.skip.org.nz

Ngā Mahi a Whānau

Whakamātau ki te tuhi oriori, me whai koe i te tauira, kōrero whakaniko mai i te wāhanga tuatahi, hei āwhina i ā koe.

Whakarongo ki tō oriori.

Whakatā! Tīkina he hinu miri, ka mirimiri i ā koe anō.

Hīkoi, kaukau –
kia kaha te korikori!




Mō ētahi atu ngohe, e huri ki
Whakatipu www.skip.org.nz

He mahi atu anō tēnei mēnā e hihiko ana tō hinengaro,
e noho auaha ana koe. Mahi tāu anō waka huia hei
pupuri i ngā taonga ā tō pēpi. Ki te mahi!

He Ngohe: He Waka Huia

Ngā rauemi:

- he pouaka hū, he ipu
- he kutikuti
- he kāpia
- he whakapiri
- he pepa karakara
- he anga, ngā rauemi o te taiao
- ngā rauemi mahi toi, ngā mea e hiahia ana
koe hei whakanikoniko i tō waka huia



Mō ētahi atu ngohe, e huri ki
Whakatipu www.skip.org.nz


Whare Tangata

Te Aroha Me Te Waiata

Aue! Taku hiahia kē ki te
kutikuti i aku makawe...Ei!
Ā koe i roto nā, kei te
pāi koe?

Kei te hiamoe ā māmā.

Ko wai tērā e kōrero mai rā
ki au? Te ātaahua kē ō tana
reo! He rawe ki au ka pēnā
ana koe!



TE KĀKANO

TE WĀHANGA
TUATORU O TE
HAPŪTANGA

Me aro koe ki te hā ō
Hine-ahu-one.

Pay homage to the
essence of womankind.

E Aha Ana...

Tā Pēpi:

Ka koho ana ahau kua hukihuki au i roto i taku māmā. Tūmeke katoa ā māmā i taku mahi pērāhanga.

Kei te roa haere aku makawe.

Kei te rongu, kei te mōhio ahau i ngā reo.

Kua nunui haere. Kua kōpā haere taku wāhi noho.



32 – 36 wiki te pakeke

Kua mārō haere aku poroiwi.

Kua tae aku maikuku ki te mutunga o aku matimati.



Tā Pēpi:


37 – 40 wiki te pakeke

Kua tata au ki te puta mai ki te ao.

Ko taku roro anake te wāhanga o taku tinana kāore anō kia mutu te tipu – nā te mea he tino rahi ngā āhuatanga kei te toe hei whāngai mā taku whānau, mā te ao whānui ki aku roro.

Kua kaha rawa te tītakataka ā māmā ki te whakapai haere, ki te whakareri mōku. Kua tata tonu pea.

Ka whānau au, ko tāku he ako!



Tā Te Whānau:

Kei te haere mātou ki te tapuhi me te tākuta ki te kōrerorero, kia mōhio ai mātou i ngā āhuatanga hei whai mā mātou.

Kei te whakaaroaro ingoa mātou mō pēpi. Kua kōrero mātou ki ō mātou hoa, ki te whānau.



Hei whakataua mā mātou:

- Ko wai ki reira i te wā whānau mai ā pēpi?
- Ko wai te tuatahi ki te pupuri i ā pēpi ka puta mai ana?
- Ko wai hei tapahi i te pito?
- Kei te ahahia te whenua?
- Ka karakia anō?
- Kei te reri mātou ki te tere puta mai ā pēpi?

Tā Te Whānau:

Ahakoia he aha ngā whakataunga ā te whānau, he pai tonu te āta whakarite i ngā mahi:

- Te whakareri i te pāhi ā māmā me tā pēpi
- Te parakatihi me aha
- Te whakarite pūoro, waiata
- Te kāmera hei tango whakaahua – kimihia tētahi i te whānau
- Te tūru waka ō pēpi
- Te ipu whenua mēnā koirā te hiahia

He pai ake te whakatikatika katoa i ngā āhuatanga he wiki noa atu i mua ō te whānauhanga ō pēpi, tēnā te waiho kia whānau tonu.

Kia maumahara:

- Kia tau te mauri
- Kōrero tonu ki tō tapuhi me tō tākuta
- Kia mataara
- Kōrero ki tō whānau, ki ō hoa he aha ō hiahia i te wā e whakamamae ana koe
- Hā ki roto, hā ki waho – whakaritea tō hēhē

Kaitiaki Pēpi

Ipu Whenua

He ipu tēnei ka wehea mārika hei pupuri i te whenua ka whānau ana ā pēpi. I hangaia ēnei taonga i ngā rā ō mua mai i te hue, i te uku rānei. Ka tāpuke i tētahi wāhi kāore e rāwekehia.

Ka tāea te mahi ipu whenua i ngā momo rauemi ō tēnei rā. Ka noho tēnei tikanga hei tūhono i ā māmā me pēpi ki te ūkaipō, ki te whenua.



Kaitiaki Pēpi

Te tapa ingoa

I ngā wā ō mua ko te whānau hei ingoa i te pēpi.

He mahi tino nui te tapa ingoa ki ngā pākeke Māori.

He wā tēnei hei whakanui mā te whānau i tōna pā harakeke, e mau tonu ai ngā whakapapa ō te whānau.



Te Hinengaro Miharo

Kua tini manomano ngā io roro kei ngā roro ō pēpi ināianei ēngari kāore anō kia kātata te mutu o te tipu o te roro.

Kua tīmata ngā io roro ki te tātari haerehia hei mahi i ngā āhuatanga ō te tinana, kei te kapakapa tika te manawa, kei te ohooho ngā ia uaua, kei te mahi tika ngā pūkahukahu kia pai ai te hēhē.

Kua rongō ā pēpi i ngā oro, kua kite mea mārama ahakoa kāore anō kia whānau mai.

Ki te tīrama koe i te rama i runga i te puku ō māmā, ka huri tana mähunga. Ka tūmeke koe, me ia anō ka tūmeke.

Kei te hiahia mōhio koe kei te aha atu anō te roro mīharo ō pēpi? E huri ki *Whakatipu* www.skip.org.nz

Waiata

Aue māmā

Aue pāpā

Hōmai te aroha

E tangitangi ana ahau

E pouri ana ahau

I tō kōrua haerenga

Whakarere ana ahau

Māturuturu ngā roimata e

(Ko te rangi: Down by the Riverside)

Kia rongō ai koe ki tēnei waiata me te ako anō i ētahi atu waiata, e huri ki *Whakatipu* www.skip.org.nz



Ngā Mahi a Whānau

Whakaritea he mahi mā koutou te whānau, ko te kaupapa ki te kimi ingoa mō pēpi.

Whakaritea he wāhi, he rūma mō pēpi me ana taputapu.

Whakapaipaihia tōna wāhi o te kāinga.

Mō ētahi atu ngohe me tētahi taonga hei whakapaipai i tōna rūma, e huri ki *Whakatipu* www.skip.org.nz



Ngā Tohu Whānau

E ono ngā tohu hei whakapakari i ngā here mātua, whānau me ā rātou tamariki:

1. Te aroha me te mahana
2. Te kōrero me te whakarongo
3. Te ārahi me te māramatanga
4. Te tūāpapa mō te tika me te hē
5. Te mahi pono – ngā hua me ngā hapa
6. Te hanga ao tōtika, ao haumaruru



He aha te tikanga o ngā tohu nei i te wā e hapū ana?

Te aroha me te mahana

- Ko te whai whakaaro ki tā tātou pēpi
- Ko te whakarite tapuhi, tākuta rānei e pai ana ki te whānau
- Ko te whakareri mō pēpi

Te kōrero me te whakarongo

- Ko te kōrerorero tētahi ki tētahi e pēhea ana ngā whakaaro
- Ko te kōrerorero, te waiata ki ā pēpi nā te mea kua rongo kē ia. Tekau wiki i mua i te whānauhanga mai, kua rongo ia
- Ko te mirimiri i te puku o māmā kia rongo ai ā pēpi i te pā o te ringa

Te ārahi me te māramatanga

- Ko te mōhio he pēhea te āhua o pēpi i a ia e tipu haere ana. Kua tangata kē tana hanga ahakoa pakupaku
- Ko te mōhio he pai noa iho mēnā koe ka āwangawanga ana mēnā rānei he pātai āu
- Ko te kōrero ki te whānau i āu tikanga, i āu mahi mō tō pēpi
- Ko ngā tohu whakatūpato kia tere ai te āwhina, ka tūpono raruraru ana

Te tūāpapa mō te tika me te hē

- Ko te noho kore e kai taru kino, kore e inu waipiro, kore momi hikareti
- Ko te noho mauri tau, kia noho mahea
- Ko te mau tātua i runga waka i ngā wā katoa

Te mahi pono me ngā hua me ngā hapa

- Ko te tiaki i ā tātou anō, ia rā – kei raruraru ā pēpi
- Ko te haere ki te tākuta, ki te tapuhi, rāua i ngā wā ka whakaritea
- Ko te parakatihi i ngā mahi āwhina kia māmā ai te kawē i te pēpi, te whakawhānau o pēpi

Te hanga ao tōtika, ao haumarū

- Ko te āwhina i ā māmā
- ki te kai tōtika
 - ki te inu inu Māori
 - ki te moe ka whakatā
 - ki te whakakorikori i te tinana, te hīkoikoi kia māmā ai te puta mai o pēpi

Whare Tangata


Te Hūnuku Whare

E hika, me kimi
kāinga ano ahau.

Taihoa, kāti
te pana!

Kei te taka ahau,
kei te taka ahau!
Whakahokia au
ki roto!

Ai! Āwhinahia mai
au! Whakahokia au
ki roto!



Kia ora taku pēpi!

Ko wai koe...hei,
mōhio au ki tō reo!
He mōhio au!

Kei te hiakai au,
he aha tēnā?




Pakiwaitara

He kōrero mō Tanemāhuta me te hangā i te wahine tuatahi

Ko Tanemāhuta te atua ō ngā ngāherehere, ō ngā manu. I tētahi rangi ka puta te whakaaro i ā ia me hanga e ia he tangata mō te ao. Ka noho ā ia ki te kimi tangata i te whenua, i te moana, kore kore ana. Kātahi ia ka haere ki tana whāea ki a Papatūānuku ki te pātai me pēhea e tutuki ai tana hiahia.

Ka kī atu ā Papatūānuku ki a Tanemāhuta, 'Haere ki Kurawaka', koirā te wāhi i maringi ai ana toto ki te whenua i tō rāua wehenga ko Ranginui. Hei reira ka kitea e Tanemāhuta te one hei hanga i te uha.






Ka haere a Tānemāhuta ki Kurawaka ka kitea e ia te one, te uku wherowhero i kōrero rā tana whāea. Kātahi ka hangaia e ia te uha. Mutu ana ka awhihia e ia ka hongī ia i te ihu o te wahine rā, ka uru te mauri ora ki roto i ā ia. Ka tūwhera ana karu, kātahi ka matihe. Tihe! Mauriora! Ka ora mai te wahine tuatahi, ā fine-ahu-one.


Arā atu ngā kōrero mō te hanga i te uha tuatahi, koinei tētahi o aua kōrero.

Kia kite ai koe i te whakapākeha o tēnei kōrero me ētahi mōhiotanga anō, e huri ki
Whakatipu at www.skip.org.nz

- Ko te mātauranga, he mutunga kore
- Te whānau – he mea tino nui ngā here ki tō whānau, o whanaunga, tō hapū, tō iwi
- Pātai, kimihia he āwhina mōu i te hanga mōhiotanga
- Whakanuia te mana wahine




Whakapapa



Pēpi

Ko Wai Au?

Ōku whakaaro



Ōku whakaaro



Ōku whakaaro



Ōku whakaaro





He rauemi tēnei hei tautoko whānau ki te whakatipu tamariki. Kei roto i ā *Whakatipu* ngā kōrero mōhiotanga, ngā ngohe, ngā akoranga, ā tikanga mā ngā mātua katoa. E whā ngā pukapuka o *Whakatipu*, e titiro ana i te tipu o te tamaiti mai i te wā i hapū ai tana Māmā tae noa ki te wā kua rima tau te tamaiti.

TE KĀKANO

Mai ka tō te kākano, whānau noa.

Pukapuka 1: Te Hapūtanga

He wā tēnei me āta rāpoipoi te Māmā me tana kōhungahunga kei tōna whare tangata tonu. He wā hei noho tahi, moemoēā, kōrero tahi, whakarongo.

TE PIHINGA

Mai ka whānau mai ki te 18 marama.

Pukapuka 1: Mai ka whānau mai ki te 6 marama

Pukapuka 2: 7 marama ki te 12 marama

Pukapuka 3: 13 marama ki te 18 marama

He wā tēnei mō te pēpi kia āta manaākihia e tētahi i ngā wā katoa hei whāngai, hei tiaki, hei rāpoipoi kia noho haumaruru tonu. care and keep them safe.

TE KŌHURI

Mai i te 19 marama ki te 3 tau.

Pukapuka 1: 19 marama ki te 24 marama

Pukapuka 2: 25 marama ki te 30 marama

Pukapuka 3: 31 marama ki te 36 marama

He wā tēnei mō te tamaiti kia tauawhihia, kia tautokohia kia tū pakari ai. He wā anō hoki kia tāwharauhia ia kia noho haumaruru tonu.

TE MĀHURI

Mai i te 3 tau ki te 5 tau.

Pukapuka 1: Toru tau ki te whā tau

Pukapuka 2: Whā tau ki te rima tau

He wā tēnei kua kaha te puta o te tamariki ki ngā whakanekeneke o te wā.

